

# PAPAKILO

Hawaiian Newspapers Collection [Menu](#) ▾

Translate  
wehewehe.org

[Ka Nupepa Kuokoa](#) / [11 December 1896](#) / [Ke Aloha Aina Oiaio Loa.](#)

Ka Nupepa Kuokoa, Volume XXXV, Number 50, 11 December 1896 — Ke Aloha Aina Oiaio Loa. [ARTICLE]

[Back](#)

## Ke Aloha Aina Oiaio Loa.

Oiai makou e haawi ana i na mahalo makamae ana no ke “Aloha Aina” i hiipoi ia ae e kekahi hapa o ka lahui Hawaii, a pela hoi me ke “Aloha Aina Oiaio,” i haheia ae e kekahi poai kalaiaina i ulu hou ae nei mawaena o kakou, aia hoi, ua hiki ia makou ke hooia aku imua o ia mau poai kalaiaina elua, a imua nohoi o ka lahui holookoa mai Hawali a Kauai, ke lawe nei ka poe i haawi i na kakoo ana i ke Aupuni e ku nei i ka moto hiwahiwa, oia hoi, “Ke Aloha Aina Oiaio Loa.” Ae—o keia ka makou inoa e hoohiwahiwa nei maluna o ia poai. A malia e ninauia mai makou: Hehehe la ke kahu ana

o kela inoa Aloha Aina Oiaio Loa i ka poai o na Hawaii e makemake ana, a e kakoo ana hoi i ke kumuhana Hoohui Aupuni mawaena o Hawaii nei ame Amerika Huiia? Eia ka makou pane:

1. O ke kanaka e ake ana e loa ka noho ana maluhia mau loa maluna o ka ili o Hawaii nei, he kanaka aloha aina oiaio loa ia. A o ka mea e mau ai keia nohona maluhia ana, oia ka hoohui ana ia Hawaii me Amerika Huiia, elike me ka ka poe Aloha Aina Oiaio Loa e koi nei i keia ia, e hookaukoo aku nei i ka la apopo, a e hoopulakaumaka aku nei ma keia mau aku.

2. O ke kanaka e ku ana ma ke kahua o ka hoohui ia ana o Hawaii me Amerika Huiia, i mea e hoopauia ai ka oihana kepa kanaka maloko nei o ka aina, a hoemi nui ia ke komo ana mai o na paahana Asia iloko nei o ka aina, a hoopau loa ia hoi ka haawina dala uku a ka Ahaolelo i haawi ai no ka oihana hoopae limahana, he kanaka aloha aina oiaio loa ia. A o ke ku ana

o ke Aupuni i hoo hui ole ia me Amerika Huiia, elike me ia e ku nei i keia wa, alaila, oia ka hoomau ana aku i ka oihana hoopae limahana Asia, no ka pomaikai o ka poe kakaikahi o loko nei o ka aina.

3. O ke kanaka e ku ana ma ke kahua o ka hoo huiia ana o Hawaii me Amerika Huiia i mea e loa ai ka pono koho balota i na kanaka apau i kupono ma ke kanawai e koho i ko lakou mau luna Aupuni kuloko iho, a holo balota hoi kela ame keia Hawaii naauao i mea e loa ai kekahi oihana Aupuni, oia hoi ka oihana o ka lehulehu, elike me ka hana ana ma na mokuaina o Amerika Huiia, he kanaka aloha aina oiaio kela.

4. O ke kanaka e ku ana ma ke kahua o ka hoo huiia ana o Hawaii me Amerika Huiia i mea e hoonaloha ae ai ke kulana Aupuni Repubalika o ke ano o keia wa e ku nei maluna o ka uma-uma o Hawaii a loa ke kulana Aupuni mokuaina ia Hawaii, elike me ko kekahi mokuaina o ka Repubalika o Ameri-

ka Huiia, he kanaka aloha aina oiaio  
ia.

O ke kahua ano nui a ka "Hui Aloha  
Aina" (kahiko) ame ka "Hui Aloha  
Aina Oiaio," e kakoo nei, oia ka hoihoi  
ana mai i ke Aupuni Moi malalo o ke  
Kumukanawai o 1887, a Kumukanawai  
e ae paha. Aole hiki i kela mau Aha-  
hui a i elua aole ia o ke "kia ame ka  
honua" a laua e ku nei. O ka hoala  
ame ka hoihoi hou ana mai i ke Aupuni  
Moi e ku hou maluna o Hawaii, oia ko  
laua kahua, a he kahua nae ia i kua  
loa i ke Kumukanawai a ka poai Alo-  
ha Aina Oiaio Loa e kakoo nei i kela  
wa.

O ka hoi hou ana mai o ke Aupuni  
Moi, oia no ko ka lahui noho ana elike  
me ia e noho nei i kela wa, he wahi loli  
iki ae nae paha, aka, me ka nui no  
nae o na kiai makaala ana i mananalo  
na kupikipiki kuloko mawaena ponoi  
o kakou ae nei. A pehea la ka loibi  
e ku ai ia ano aupuni, he ninau ia na ke  
au o ka manawa e hai mai. Aka, no  
makou iho, aole e sea hou mai ana na  
hana hooulu ikaika o ke ano like me  
Mauiana Hila i mea e kela loa ia e

Labui Hawaii i ka pohuehue.

This article has been automatically clipped from the Ka Nupepa Kuokoa 11 December 1896, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).